


Alkitab Buat Bocah

Nampilin



Tentara Kecil Gideon



Nyeng nulis: Edward Hughes

Nyeng bikin gambar: Janie Forest
Alastair Paterson


Nyeng nyocokin: Ruth Klassen

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2024 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.



Seudahnya Yosua mati, semua orang Israel kaga nurut Tuhan dan ninggalin Dia dalem idup mereka. Tuhan ngebiarin orang Midian nyeng bertetangaan ama mereka ngebakar


hasil panen ama rumah-rumah orang Israel. Orang-orang Israel kudu tinggal digoa-goa.



Seorang Israel, Gideon namanya, punya tempat rada ngumpet buat nanem gandum. Dia ngiles gandum disatu tempat meres anggur nyeng rada ngumpet, di bawah puunan gede. Orang Midian

kaga tau tempat itu, tapi Tuhan tau. Tuhan ngirim MalekatNya ngasih satu pesen buat Gideon.

3




Tuhan pengen Gideon ngancurin tempat nyembah berhala punya bapanya dewek dan bikin satu meja sesembahan buat Tuhan nyeng bener. Meski begitu Gideon ngerasa takut orang-orang Israel bakal matiin dia, dia ngerjain apa nyeng Tuhan perentah.

4



Tuhan pengen Gideon mimpin tentara Israel ngelawan bangsa Midian nyeng bengis. Tapi Gideon rada kede'r. Dia minta satu tanda, kalo Tuhan ada sama dia. Lantas ia naro kulit domba di atas tanah.

5




"Kalo cuman di kulit domba itu ada embun, tapi nyeng laennya kering," Gideon

sembahyang, "aku tau, kalo Engkau

mao nyelametin orang Israel lewat aku, kaya nyeng Engkau Sabdain." Pagi arinya.


Tanah disekiterannya kering, tapi **POTONGAN KULIT DOMBA ITU BASAH AMA EMBUN.**

6



Gideon kaga yakin. Sekarang ia pengen Tuhan ngirim embun di tanah, tapi bukan ke kulit domba. Pagi berikutnya, tanah basah ama embun, tapi **POTONGAN KULIT DOMBA ITU KERING.**


7



Gideon mulai keluar sama tiga puluh dua rebu tentara. Tuhan kurangin cuman tiga ratus orang. Tuhan kaga pengen orang Israel bilang, "Tanganku dewek nyeng udah nyelametin aku." Tuhan dewek nyeng bakal nyelametin Israel.

8

Tau kalo Gideon masih ngerasa kede'r, Tuhan ngbiarin Gideon ngedengerin satu tentara Midian nyeritain soal ngimpinya nyeng aneh. Di ngimpinya, sepotong roti jatuh ngeglinting nibanin kemah orang Midian dan ancur.




9

Tentara nyeng laen ngerasa takut, "Ini...pedang Gideon..." dia tereak. Pas Gideon ngedenger ngimpi itu sama artinya, dia tau kalo Tuhan bakal ngasih kemenangan buat dia.




10

Gideon niatnya nyerang malem ari. Dia ngasih masing-masing prajurit trompet ama satu kendi kosong. Mereka muterin tentara Midian.



11


Gideon ngasih aba, tentara pada niup trompet dan mecahin kendi ama nyalahin obor. Ribut banget! Bikin bingung banget! Orang-orang Midian nyeng ketakutan pada lari.



12

Seabis kemenangan nyeng hebat ini, orang Israel minta Gideon supaya merentah atas mereka. "Aku kaga bakal merentah kamu...tapi Tuhan nyeng bakal merentah kamu." Dia tau kalo cuman Tuhan nyeng

punya hak buat ngatur idup orang-orang ini.



13

Tentara Kecil Gideon

Sebuah cerita dari perkataannya Tuhan, Alkitab

Ditemuin di

Hakim-hakim 6-8

"Palang pintu Firman Engkau ngasih terang."
Mazmur 119:130

14



Tamat

15



60

15

Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berobah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

16